

春秋左氏經傳集解

八

116  
12  
38

漢書門			
五	九	〇	二
一	五	〇	二
二	三	二	二
冊	架	函	號

內閣文庫			
二	七	四	函
五	九	〇	二
二	三	二	二
架	冊	號	類

內閣文庫		
番號	漢	5902
冊數	12	( 8 )
函號	274	153



春秋左氏經傳集解


二十一



東 京 圖 書 館				
一	三	別	經	漢
二	九	方	書	書
冊	號	函	類	門

春秋左氏

不許帶出



昭公

春秋左傳卷二十

淺草文庫

昭公

名稠襄公子母齊歸在位二十五年遜于齊在外八年凡二十三年

薨于乾侯諡法威儀恭明曰昭

元年春王正月公即位

無傳

叔孫豹會晉趙

武楚公子圍齊國弱宋向戌衛齊惡陳公子

招蔡公孫歸生鄭罕虎許人曹人于虢

招實陳侯

母弟不稱弟者義與莊二十五年公子友同今讀舊書則楚當先晉而先書趙武者亦取宋盟貴武之信故尚之也衛在陳蔡上先至於會。招常遙反虢瓜百反當先悉薦反

昭公

昭公

昭公

昭公

三月取鄆

不稱將帥將卑師少書取言易也。鄆音運。

夏秦伯之

弟鍼出奔晉

稱弟罪秦伯鍼其廉反。

六月丁巳邾子華

卒

無傳三同盟。

晉荀吳帥師敗狄于大鹵

大鹵大原晉陽。

縣。大鹵如字。又音泰。

秋莒去疾自齊入于莒

國逆而立之曰。

入。去起呂反。

莒展與出奔吳

弒君賊未會諸侯故不稱爵。

叔弓

帥師疆鄆田

春取鄆今正其封疆。

葬邾悼公

無傳。

冬十有

一月巳酉楚子麇卒

楚以瘧疾赴故不書弒。麇九倫反。楚公

子比出奔晉

書名罪之。

**傳**

元年春楚公子圍聘于鄭且娶於公孫段

氏伍舉為介

伍舉椒舉介副也。

將入館

就客舍。

鄭人惡

之

知楚懷詐。惡烏路反。

使行人子羽與之言乃館於

外

舍城外。

既聘將以眾逆

以兵入逆婦。

子產患之使

子羽辭曰以敝邑褊小不足以容從者請墀

聽命

欲於城外除地為墀行昏禮。褊必淺反。墀音善。

令尹命大宰

伯州犁對曰君辱貺寡大夫圍謂圍將使豐

氏撫有而室

豐氏公孫段。

圍布几筵告於莊共之

廟而來

莊王圍之祖共王圍之父

若野賜之是委君貺於

草莽也是寡大夫不得列於諸卿也

言不得從卿禮

不寧唯是又使圍蒙其先君

蒙欺也告先君而來不得成禮

於女氏之廟故以為欺先君

將不得為寡君老

大臣稱老懼辱命而

退黜其蔑以復矣唯大夫圖之子羽曰小國無

罪恃實其罪

恃大國而無備則是罪

將恃大國之安靖

已而無乃包藏禍心以圖之小國失恃而懲

諸侯使莫不憾者距違君命而有所壅塞不

行是懼

言已一所恃則諸侯懲恨以不然故距君命壅塞不行所懼唯此

邑館人之屬也

館人守舍人也其敢愛豐氏之祧

祖廟。祧他彫反

伍舉知其有備也請垂橐而入

垂橐

示無弓。橐音羔弓衣也

許之正月乙未入逆而出遂會

於虢

地號鄭

尋宋之盟也

宋盟在襄二十七年

祁午謂趙

文子曰宋之盟楚人得志於晉

得志謂先歆午祁奚子

歆所洽反

今令尹之不信諸侯之所聞也子弗戒

懼又如宋

恐楚復得志

子木之信稱於諸侯猶詐

晉而駕焉

駕猶陵也詐謂  
衷甲。衷音忠

況不信之尤者乎

尤甚也

楚重得志於晉晉之恥也子相晉國以

為盟主於今七年矣

襄二十五年始為政以  
春言故云七年。重直

用再合諸侯

襄二十五年會夷儀  
二十六年會澶淵

三合大夫

襄二十七年會于宋三十  
年會澶淵及今會號也

服齊狄寧東夏

十八年齊侯  
白狄朝晉

平秦亂

襄二十六年  
秦晉為成

城淳于

十九年城杞之  
淳于杞遷都

師徒不頓國家不罷民無謗

諸侯無怨天無大災子之力也有令

名矣而終之以恥午也是懼吾子其不可以

不戒文子曰武受賜矣

受午

然宋之盟子木

有禍人之心武有仁人之心是楚所以駕於

晉也今武猶是心也楚又行僭

僭不信

非所害

也武將信以為本循而行之譬如農夫是穠

是藜

穠耘也壅苗為藜  
藜音標藜音衰

雖有饑饉必有豐年

言耕鉏不以水旱息必獲豐年之  
收。饉其靳反收手又反又如字

且吾聞之

能信不為人下吾未能也

自恐未能信也

詩曰不僭

不賊鮮不為則信也。詩大雅僭不信賊害人也能為人則

者不為人下矣。吾不能是難。楚不為患。楚令

尹圍請用牲。讀舊書加于牲上而已。舊書宋之盟書

楚恐晉先軟故欲從舊書加于牲上不敵血經所以不書盟。難乃旦反晉人許

之。三月甲辰盟。楚公子圍設服離衛。設君服二人執

弋陳於前以自衛離陳也叔孫穆子曰：楚公子美矣。君哉。

美服似君鄭子皮曰：二執戈者前矣。禮國君行有二執戈者在

前蔡子家曰：蒲宮有前，不亦可乎？公子圍在會特緝蒲

為王殿屋屏蔽以自殊異言既造王宮而居之雖服君服無所怪也楚伯州犁

曰：此行也，辭而假之寡君。聞諸大夫譏之故言假以飾令尹過

鄭行人揮曰：假不反矣。言將遂為君伯州犁曰：子

姑憂子皙之欲背誕也。襄三十年鄭子皙殺伯有背命放誕將為

國難言子且自憂此無為憂令尹不反戈。背音佩子羽曰：當璧猶在

假而不反，子其無憂乎？子羽行人揮當璧謂棄疾事在昭十三年

言棄疾有當璧之命圍雖取國猶將有難不無憂也齊國子曰：吾代二

子愍矣。國子國弱也二子謂王子圍及伯州犁圍此冬便篡位不能自終州犁亦

昭公

昭公

昭公

昭公

昭公



尋為圍所殺。陳公子招曰：不憂何成？二子樂

矣。言以憂生事事成。衛齊子曰：苟或知之，雖

憂何害？齊子齊惡言先知為備。宋合左師曰：

大國令，小國共，吾知其而已。共承大國命，不能知其禍福。

共音晉樂王鮒曰：小旻之卒章善矣，吾從之。

小旻詩小雅其卒章義取非唯暴虎馮河之

可畏也不敬小人亦危殆王鮒從斯義故不

敢譏議公子退會。子羽謂子皮曰：叔孫絞而

婉。絞切也。譏其似君。宋左師簡而禮。無所臧，反謂之美，故曰婉。

簡共事大國，故樂王鮒字而敬。字愛也不犯，曰禮。否音鄙。

敬。愛子與子家持之。子子皮子家蔡公孫歸皆

保世之主也。齊衛陳大夫，其不免乎？國子代

人憂。子招樂憂，齊子雖憂弗害。夫弗及而憂，

與可憂而樂，與憂而弗害，皆取憂之道也。憂

必及之。大誓曰：民之所欲，天必從之。逸書。樂音洛。

三大夫兆憂，憂能無至乎？兆也。言以知物，其

是之謂矣。物類也。察言以知禍福之類。八年，陳招殺大子國弱，齊惡當身各無。

患季武子伐莒取鄆兵未加莒而鄆服故書取而不言伐莒人

告於會楚告於晉曰尋盟未退尋弭兵之盟而魯

伐莒瀆齊盟瀆慢也請戮其使時叔孫豹在樂會欲戮之樂

桓子相趙文子桓子樂王鮒相佐也欲求貨於叔孫而

為之請使請帶焉難指求貨故以帶為辭。而為去聲弗與梁

其蹇曰貨以藩身子何愛焉蹇叔孫家臣叔

孫曰諸侯之會衛社稷也我以貨免魯必受

師言不戮其使必伐其國是禍之也何衛之為人之有

牆以蔽惡也喻已為國衛如牆為人蔽牆之隙壞誰之咎

也咎在牆衛而惡之吾又甚焉罪甚雖怨季孫

魯國何罪怨季孫之伐莒叔出季處有自來矣吾又

誰怨季孫守國叔孫出使所從來久今遇此戮無所怨也然鮒也賄弗

與不已召使者裂裳帛而與之曰帶其褊矣

言帶褊盡故裂裳示不相逆趙孟聞之曰臨患不忘國忠

也謂言魯國何罪思難不越官信也謂言叔出季處難乃旦反下

同圖國忘死貞也謂不以貨免謀主三者義也三者

忠信

有是四者又可戮乎

并義而四

乃請諸楚曰

魯雖有罪其執事不辟難

執事謂叔孫

畏威而敬

命矣

謂不敢辟戮

子若免之以勸左右可也若子

之羣吏處不辟汚

汚勞事

出不逃難

不苟免

其何

患之有患之所生汚而不治難而不守所由

來也能是二者又何患焉不靖其能其誰從

之

安靖賢能則衆附從

魯叔孫豹可謂能矣請免之以

靖能者子會而赦有罪

不伐魯

又賞其賢赦叔孫

諸侯其誰不欣焉望楚而歸之視遠如邇疆

場之邑一彼一此何常之有

言今衰世疆場無定主

王

伯之令也

言三王五伯有令德時

引其封疆

引正也而正封界

樹之官

樹立也立官以守國

舉之表旗

旌旗以表貴賤

而著之

制令

為諸侯作制度法令使不得相侵犯

過則有刑猶不可壹

於是乎虞有三苗

三苗饗餐放三危者

夏有觀扈

觀國今頓

丘衛縣扈在始平鄠縣書序曰啓與有扈戰于甘之野。觀音館

商有姚邳

二國商諸侯邳今下邳縣。姚西典反又西禮反

周有徐奄

二國皆嬴姓書

序曰成王伐淮夷遂踐奄徐卽淮夷自無令王諸侯逐進逐猶競也

狎主齊盟其又可壹乎疆弱無常故更主盟。更音庚恤大

舍小足以爲盟主大謂篡弑滅亡之禍又焉用之焉用治小

事○焉於虔反封疆之削何國蔑有主齊盟者誰能

辯焉辯治也吳濮有釁楚之執事豈其顧盟在吳

東濮在南今建寧郡南有濮夷釁過也莒之疆事楚勿與知諸

侯無煩不亦可乎莒魯爭鄆爲日久矣苟無

大害於其社稷可無亢也亢禦。與音預亢苦浪反又音剛

去煩宥善莫不競勸子其圖之固請諸楚楚

人許之乃免叔孫令尹享趙孟賦大明之首

章大明詩大雅首章言文王明明照於下故能赫赫盛於上令尹意在首章故特稱首

章以自光大趙孟賦小宛之二章小宛詩小

其各敬爾儀天命不又言天事畢趙孟謂叔

命一去不可復還以戒令尹

向曰令尹自以爲王矣何如問將能成否對曰王

弱令尹彊其可哉言可成雖可不終趙孟曰何

故對曰彊以克弱而安之彊不義也安於勝君是彊

而不義而疆其斃必速詩曰赫赫宗周褒

姒滅之疆不義也詩小雅褒姒周幽王后幽王惑焉而行不義遂至滅

亡言雖赫赫盛疆不義足以滅之○滅如字詩作威令尹為王必求諸

侯晉少懦矣懦弱也○諸侯將往若獲諸侯

其虐滋甚也滋益民弗堪也將何以終夫以疆

取取不不義而克必以為道切中病痛以為不義道以淫

虐弗可久已矣為十三年楚弑靈王傳夏四月趙孟叔

孫豹曹大夫入于鄭會罷鄭伯兼享之子皮

戒趙孟戒享禮終趙孟賦瓠葉受所戒禮畢而賦詩瓠葉

詩小雅義取古人不以微薄廢禮雖瓠葉免首猶與賓客享之○瓠戶故反子皮

遂戒穆叔且告之告以趙孟穆叔曰趙孟欲

一獻瓠葉詩義取薄物而子其從之子皮曰

敢乎言不穆叔曰夫人之所欲也又何不敢

夫人趙孟及享具五獻之邊豆於幕下朝聘之制

大國之趙孟辭趙孟自以今非私於子產私

曰武請於冢宰矣冢宰子皮請乃用一獻趙

孟為客禮終乃宴卿會公侯享宴皆折俎不體薦。折之設反。穆

叔賦鵲巢鵲巢詩召南言鵲有巢而鳩居之喻晉君有國趙孟治之。趙孟

曰武不堪也又賦采芣亦詩召南義取芣芣薄物可以薦公侯享

其信不求曰小國為繫大國省穡而用之其

何實非命穆叔言小國微薄猶繫菜大國能省愛用之而不棄則何敢不從命

穡愛也。省所子皮賦野有死麕之卒章有野

死麕詩召南卒章曰舒而脫脫兮無感我悅

徐以禮來無使我失節而使狗驚吠喻趙孟

以義撫諸侯無以非禮相加陵。脫吐外反

悅始趙孟賦常棣常棣詩小雅取其凡今之

之且曰吾兄弟比以安尤也可使無吠受子

詩。比毗穆叔子皮及曹大夫與拜三大夫

志反下同皆兄弟舉兕爵曰小國賴子知免於戾矣兕爵

起也所以飲酒樂趙孟出曰

吾不復此矣不復見此樂。樂天王使劉定

公勞趙孟於潁館於雒汭王周景王定公劉

為汭。勞去聲下同潁音穎劉子曰美哉禹

昭公

功見河雒而明德遠矣。微禹，吾其魚乎。吾與

子弁冕端委以治民臨諸侯，禹之力也。弁冕冠也

端委禮衣言今得共服冠冕有國家者皆由禹之力子盍亦遠績禹功

而大庇民乎。勸趙孟使纂禹功對曰：老夫罪戾是懼

焉能恤遠，吾儕偷食，朝不謀夕，何其長也。言欲

苟免目前不能念長久劉子歸以語王曰：諺所謂老將

知而耄及之者，八十曰耄耄亂也。知音智其趙孟之謂

乎。為晉正卿以主諸侯，而儕於隸人，朝不謀

夕，言其自比於賤人而無恤民之心棄神人矣。民為神主不恤民故神人

皆去神怒民叛，何以能久。趙孟不復年矣。言將死不

復見神怒不歆其祀，民叛不即其事，祀事不

從，又何以年。為此冬趙孟卒起本叔孫歸號會曾天御

季孫以勞之，旦及日中不出。恨季孫伐莒使已幾被戮曾

天謂曾阜。曾阜叔孫家臣曰：旦及日中，吾知罪矣。魯

以相忍為國也，忍其外，不忍其內，焉用之。欲受

楚戮是忍其外日中阜曰：數月於外。言叔孫勞役在

外數月。一旦於是庸何傷。賈而欲贏而惡

躡乎。言譬如商賈求贏利者不得惡誼躡之聲。賈音古惡鳥路反。下同。躡許驕反。

真心為國家人

又五高反阜謂叔孫曰可以出矣。叔孫指楹曰雖

惡是其可去乎。乃出見之。楹柱也。以諭魯有季孫猶屋有柱。

去起呂反鄭徐吾犯之妹美。犯鄭大夫公孫楚聘之矣。

楚子南穆公孫公孫黑又使強委禽焉。禽鴈也。納采用鴈。強其

反丈犯懼告子產。子產曰是國無政非子之患

也。唯所欲與。犯請於二子。請使女擇焉。皆許

之子皙盛飾入布幣而出。布陳贄幣。子皙公孫黑子南

戎服入左右射超乘而出。女自房觀之曰子

皙信美矣。抑子南夫也。言丈夫。乘繩證反。夫夫婦婦

所謂順也。適子南氏。子皙怒。既而橐甲以見

子南。欲殺之。而取其妻。子南知之。執戈逐之

及衝擊之以戈。衝交道子皙傷而歸。告大夫曰

我好見之。不知其有異志也。故傷大夫。皆謀

之子產曰。直鈞。幼賤有罪。罪在楚也。先聘子南直也



子南用戈子哲直也子產力未能討故釣其事歸罪於楚。好如字一呼報反乃執

子南而數之曰國之大節有五女皆奸之犯奸

也。女音汝下皆同畏君之威聽其政尊其貴事其長

養其親五者所以為國也今君在國女用兵

焉不畏威也奸國之紀不聽政也奸國之紀謂傷人。

長丁丈反子哲上大夫女嬖大夫而弗下之養如字

不尊貴也幼而不忌不事長也忌畏也兵其從

兄不養親也君曰余不女忍殺宥女以遠勉

速行乎無重而罪五月庚辰鄭放游楚於吳

將行子南子產咨於大叔大叔游楚之兄子從兄如字又才

用反大叔曰吉不能亢身焉能亢宗亢蔽也。亢苦浪反。

彼國政也非私難也子圖鄭國利則行之又

何疑焉周公殺管叔而蔡蔡叔蔡放也。難乃旦反蔡蔡

上素葛反夫豈不愛王室故也吉若獲戾子

將行之何有於諸游為二年鄭殺公孫黑傳。夫音扶秦后

子有寵於桓如二君於景后子秦桓公。子景公母弟鍼也。其權

寵如兩君其母曰弗去懼選選數也恐景公數其罪而加戮。選息轉

反又素短反數所主反 癸卯鉞適晉其車千乘書曰秦

伯之弟鉞出奔晉罪秦伯也罪失教后子享晉

侯為晉侯設享禮造舟于河造舟為梁通秦晉之道。造七報反十里

舍車一舍八乘為八反之備自雍及絳雍絳相去千里用車八百乘。

雍於歸取酬幣備九獻之儀始禮自齋其用反終

事八反每十里以八乘車各以次載幣相授而還不徑至故言八反千里用車八百乘其二百乘以自隨故言千乘傳言秦鉞之出極奢富以成禮欲盡敬於所赴司

馬侯問焉曰子之車盡於此而已乎對曰此

之謂多矣若能少此吾何以得見言已坐車多故出奔

。見賢女叔齊以告公叔齊司馬侯且曰秦公子

必歸臣聞君子能知其過必有令圖令圖天

所贊也后子見趙孟趙孟曰吾子其曷歸問

時當歸對曰鉞懼選於寡君是以在此將待嗣

君趙孟曰秦君何如對曰無道趙孟曰亡乎

對曰何為一世無道國未艾也艾絕也。艾魚廢反國

左傳 昭公 及古

於天地有與立焉言欲輔助之者多不數世淫弗能

斃也趙孟曰天乎對曰有焉趙孟曰其幾何

對曰鍼聞之國無道而年穀和熟天贊之也

贊佐助也鮮不五稔鮮少也少尚當歷五年多則不帝趙孟視陰

曰朝夕不相及誰能待五陰日景也趙孟意衰以日景自喻故

言朝夕不相及誰能待五。陰於金反景如字又於領反。后子出而告人

曰趙孟將死矣主民翫歲而愒曰翫愒皆貪也。愒苦

蓋反其與幾何言不能久。與如字又羊茹反。鄭為游楚亂故

游楚子南六月丁巳鄭伯及其大夫盟于公孫段

氏罕虎公孫僑公孫段印段游吉駟帶私盟

于閨門之外實薰隧閨門鄭城門薰隧門外道名實之者為明年子

產數子哲罪稱薰隧盟起本公孫黑強與於盟使大史書

其名且曰七子自欲同於六卿故曰七子強其丈反與羊茹反子

產弗誅子哲強討之恐亂國晉中行穆子敗無終及羣

狄于大原即大鹵也無終山戎崇卒也崇聚也將戰魏舒

曰彼徒我車所遇又阨地險不便車阨於解反以什共

車必克

更增十人以當一車之用。共音恭。

困諸阨又克

困於

阨道今去車故為必克。去起呂反。

請皆卒

去車為步卒。

自我始乃

毀車以為行

魏舒先自毀其屬車為步陳。行戶郎反陳直觀反下五陳未。

陳五乘為三伍

乘車者車三人五乘十五人。今改去車更以五人為伍。

為三伍。五乘繩證反。

荀吳之嬖人不肯即率斬以徇。

魏舒輒斬之荀吳不恨所以能立功。

為五陳以相離兩於前伍

於後專為右角參為左角偏為前拒

皆臨時處置之。

名。拒九甫反。

以誘之翟人笑之

笑其失常。

未陳而薄之

大敗之

傳言荀吳能用善謀。

莒展輿立而奪羣公子秩

公子召去疾于齊秋齊公子鉏納去疾

齊雖納去疾。

疾莒人先召之故從國逆例書入去疾奔齊在襄三十一年。

展輿奔吳

孫叔弓帥師疆鄆田因莒亂也

此春取鄆今正其疆界。

於是莒務婁翳胡及公子滅明以大厖與常

儀靡奔齊

三子展輿黨大厖常儀靡莒二邑。務如字又音謀一音無翳音茂。

一音謀。

君子曰莒展之不立棄人也夫

奪羣公子秩是。

棄人可棄乎詩曰無競惟人善矣

詩周頌言惟得人則。

國家 彊 晉侯有疾鄭伯使公孫僑如晉聘且問

疾叔向問焉曰寡君之疾病卜人曰實沈臺

駘為崇史莫之知敢問此何神也子產曰昔

高辛氏有二子伯曰閼伯季曰實沈高辛帝

他才反闕於居于曠林不相能也曠林地闕

葛反譽音酷又奴曰尋干戈以相征討尋用后帝不臧帝后

代反善也堯也臧遷閼伯于商丘主辰商丘宋地主祀

商人是因故辰為商星商人湯先相土封商

星

遷實沈于大夏主參

大夏今晉陽縣

唐人

是因以服事夏商唐人若劉累之等累其季

世曰唐叔虞唐人之季世當武王邑姜方震

大叔邑姜武王后齊大公之女懷胎為震大

叔成王之弟叔虞○震音振又音申大將與

之唐屬諸參而蕃育其子孫及生有文在其

手曰虞遂以命之及成王滅唐而封大叔焉

故參為晉星叔虞封唐是為晉侯由是觀之

昭公

則實沈參神也昔金天氏有裔子曰昧為玄

冥師生允格臺駘金天氏帝少皞裔遠也玄冥水官昧為水官之長

臺駘能業其官纂昧之業宣汾洮宣猶通也汾洮二水名洮他

刀障大澤以處大原障之尚反又音章大原晉陽也臺

所居帝用嘉之封諸汾川帝顓頊沈姒蓀黃實

守其祀四國臺駘之後沈音審今晉主汾而滅之矣滅四

由是觀之則臺駘汾神也抑此二者不及

君身山川之神則水旱癘疫之災於是乎禱

妙在此下一段

之有水旱之災則禱祭山川之神若臺駘者周禮四曰禱祭為營攢用幣以祈福祥

祭音詠攢子管反日月星辰之神則雪霜風雨之不

時於是乎祭之星辰之神若實沈者若君身則亦出入

飲食哀樂之事也山川星辰之神又何為焉

言實沈臺駘不為君疾僑聞之君子有四時朝以聽政

聽國晝以訪問問肯夕以脩令念所夜以安

身於是乎節宣其氣宣散也勿使有所壅閉湫

底以露其體湫集也底滯也露羸也壺之則血氣集滯而體羸露壅於勇

昭公

反秋子小反又音秋底丁禮反茲心不爽而昏亂百度也此

明也百度音秋底丁禮反今無乃壹之同四時也則生疾矣僑又

聞之內官不及同姓內官嬪御其生不殖殖長也美

先盡矣則相生疾同姓之相與先美矣君子

是以惡之故志曰買妾不知其姓則卜之違

此二者古之所慎也壹四時取同姓二者古人所慎也惡如字又烏

路反取七住反男女辨姓禮之大司也辨別今君內

實有四姬焉同姓姬四人其無乃是也乎若由是

二者弗可為也已為治也四姬有省猶可無則

必生疾矣據異姓去同姓故言省叔向曰善

哉肸未之聞也此皆然矣叔向出行人揮送

之送叔向叔向問鄭故焉且問子皙對曰其與

幾何言將敗不久與如字又音預無禮而好陵人怙富而

卑其上弗能久矣為明年鄭殺公孫黑傳晉侯聞子產

之言曰博物君子也重賄之晉侯求醫於秦

秦伯使醫和視之曰疾不可為也是謂近女

博物君子四字只說得實沈臺駘一段其

高識在後一段學與識自是兩事甚矣吾君臣之喜於微事而忽于論理也

室疾如蠱蠱惑疾非鬼非食惑以喪志惑女色而失志

○喪息良臣將死天命不祐良臣不匡救君過故將死而不

為天公曰女不可近乎對曰節之先王之樂

所以節百事也故有五節五聲之節遲速本末以

相及中聲以降五降之後不容彈矣此謂先王之樂

得中聲聲成五降而息也降於是有煩手淫

聲悒堙心耳乃忘平和君子弗聽也五降而

雜聲並奏所謂鄭衛物亦如之言百事皆如樂不可失節

至於煩乃舍也已無以生疾煩不舍則生疾君

子之近琴瑟以儀節也非以悒心也為心之節儀使

動不天有六氣謂陰陽風雨晦明也降生五味謂金味

酸水味鹹火味苦土味發為五色辛色白酸色青鹹色

甘皆由陰陽風雨而生

黑苦色赤甘色黃發徵為五聲白聲商青聲角黑聲羽赤

聲徵黃聲宮徵驗淫生六疾淫過也滋味聲色所以養人然

過則六氣曰陰陽風雨晦明也分為四時序

為五節六氣之化分而序之則過則為蓄陰

部素問  
也春秋時  
人自有此  
段學問



淫寒疾寒過則陽淫熱疾熱過則風淫末疾

末四支也雨淫腹疾雨濕之氣晦淫惑疾晦

風為緩急明淫心疾明晝也思慮煩女陽

也為宴寢過物而晦時淫則生內熱惑蠱之疾女常隨男

節則心惑亂今君不節不時能無及此乎出

家道常在夜告趙孟趙孟曰誰當良臣對曰主是謂矣主

故言晦時相晉國於今八年晉國無亂諸侯無闕可謂

良矣和聞之國之大臣榮其寵祿任其大節

有菑禍興而無改焉改改行以救必受其咎

今君至於淫以生疾將不能圖恤社稷禍孰

大焉主不能禦吾是以云也云主趙孟曰何

謂蠱對曰淫溺惑亂之所生也溺沈沒於文

皿蟲為蠱文字也皿器也器受蠱害者穀之

飛亦為蠱穀久積則變為在周易女惑男風

落山謂之蠱三三巽下艮上蠱巽為長女為

說長女非匹故惑皆同物也物猶趙孟曰良

山木得風而落昭公

左傳

卷二十一

昭公

昭公

醫也厚其禮而歸之贈賄之禮楚公子圍使公子

黑肱伯州犂城犂櫟黑肱王子圍之弟子犂

縣屬襄城櫟今河南陽翟縣三邑本鄭地。犂尺州反櫟音歷又音鑠郊音夾鄭人

懼子產曰不害令尹將行大事謂將而先除

二子也二子謂黑肱伯州犂禍不及鄭何患焉冬楚公

子圍將聘于鄭伍舉為介未出竟聞王有疾

而還伍舉遂聘十一月巳酉公子圍至入問

王疾縊而弑之縊絞也孫卿曰以冠纓絞之長歷推巳酉十二月六日經

傳皆言十一月月遂殺其二子幕及平夏皆

誤也。縊一豉反子敖右尹子干出奔晉子干王宮廐尹子皙出

奔鄭因築城而去殺大宰伯州犂于郊葬王于郊

謂之郊敖郊敖楚使赴于鄭伍舉問應為後

之辭焉問赴者對曰寡大夫圍伍舉更之曰共

王之子圍為長伍舉更赴辭使從禮此告終稱嗣不以篡弑赴諸侯。共

音恭長子干奔晉從車五乘叔向使與秦公

子同食食祿同。從才用反皆百人之餼百人一卒也其祿足百人

○籛音堅趙文子曰秦公子富謂秦鍼富強秩祿不宜與子干同

叔向曰底祿以德底致也。底音旨德鈞以年年同

以尊公子以國不聞以富且夫以千乘去其

國彊禦已甚詩曰不侮鰥寡不畏彊禦詩大雅侮

陵也。秦楚匹也使后子與子干齒以年齒為高下

而辭曰鍼懼選楚公子不獲是以皆來亦唯

命不獲不得自安言俱奔事有優劣唯主人命所處謙辭且臣與羈齒

無乃不可乎后子先來仕欲自同於晉臣為主人子于後來奔以為羈旅之

客史佚有言曰非羈何忌忌敬也欲謙以自別楚靈王

即位遠罷為令尹遠啓彊為大宰靈王公子圍也即位

君歸謂子產曰具行器矣行器會備楚王汰侈而

自說其事必合諸侯吾往無日矣子產曰不

數年未能也為四年會申傳。說音悅一始悅反數所主反十二月

晉既烝祭也趙孟適南陽將會孟子餘孟子餘趙

衰趙武之會祖其廟在晉之南陽温縣往會祭之甲辰朔烝于温趙氏

昭公

烝祭甲辰十二月朔晉既烝趙孟乃烝其家廟則晉烝當在甲辰之前傳言十二月月誤

庚戌卒十二月七日終劉鄭伯如晉弔及雍

乃復弔趙氏蓋趙氏辭之而還傳言大夫疆諸侯畏而弔之。雍於用反

二年春晉侯使韓起來聘夏叔弓如晉叔

秋鄭殺其大夫公孫黑書名惡之薰隧盟子產不討遂

冬公如晉至河乃復弔少姜也晉人

季孫宿如晉致襚服也公實以

二年春晉侯使韓宣子來聘公即且告為

政而來見禮也代趙武為政雖盟主而脩好

觀書於大史氏見易象與魯春秋曰周禮盡

在魯矣易象上下經之象辭魯春秋史記之

吾乃今知周公之德與周之所以王

也易象春秋文王周公之制當此時儒道廢

公享之季武子賦絲之卒章絲詩

卒章義取文王有四臣故能以絲致韓子

賦角弓角弓詩小雅取其兄弟昏姻無季武

子昭公

古入學問  
滯貫處拘  
而不知

子拜曰敢拜子之彌縫敝邑寡君有望矣彌縫猶補合也謂以兄弟之義

武子賦節之卒章節詩小雅卒章取式訛爾

心以畜萬邦以言晉德可既享宴于季氏有

嘉樹焉宣子譽之譽其好也武子曰宿敢不

封殖此樹以無忘角弓封厚也遂賦甘棠甘棠

詩召南召伯息於甘棠之下詩人思之而愛其樹武子欲封殖嘉樹如甘棠以宣子比召

公宣子曰起不堪也無以及召公宣子遂如

齊納幣為平公聘少姜見子雅子雅召子旗子旗子

使見宣子宣子曰非保家之主也不臣志氣

見賢遍反見子尾子尾見彊彊子尾宣子謂

之如子旗亦不大夫多笑之唯晏子信之曰

夫子君子也夫子君子有信其有以知之矣

為十年齊樂施高疆來奔張本自齊聘於衛衛侯享之北宮

文子賦淇澳淇澳詩衛風美武公也言宣子有武公之德宣

子賦木瓜木瓜亦衛風義取夏四月韓須如

齊逆女須韓起之子逆少姜齊陳無宇送女致少姜少

姜有寵於晉侯晉侯謂之少齊

為立別號所以寵異之

謂陳無宇非卿

欲使齊以適夫人禮送少姜。適丁歷反。

執諸中

都

中都晉邑在西河界休縣東南

少姜為之請曰送從逆班

班列也

畏大國也猶有所易是以亂作

韓須公族大夫

陳無宇上大夫言齊畏晉改易禮制使上大

夫送遂致此執辱之罪蓋少姜謙以示譏

叔弓聘于晉報宣子也

此春韓宣子來聘晉侯使郊

勞

聘禮賓至近郊君使卿勞之。勞力報反。

辭曰寡君使弓來繼

舊好固曰女無敢為賓徹命於執事敝邑弘

矣

徹達也。音汝下皆同。

敢辱郊使請辭

辭郊勞。使所吏反。致

館辭曰寡君命下臣來繼舊好好合使成臣

之祿也

得通君命則於已為榮祿

敢辱大館

敢不叔向曰

子叔子知禮哉吾聞之曰忠信禮之器也卑

讓禮之宗也

宗猶主也

辭不忘國忠信也

謂稱舊好先

國後已卑讓也

始稱敝邑之弘先國也。次稱臣之祿後已也。

詩曰

敬慎威儀以近有德夫子近德矣

詩大秋鄭

公孫黑將作亂欲去游氏而代其位

游氏大叔之族

黑為游楚所傷故欲傷疾作而不果前年游楚所擊

害其族。去起呂反。初良反。駟氏與諸大夫欲殺之。駟氏黑子產

在鄙聞之懼弗及乘遽而至。遽傳驛。使吏

數之。責數其罪曰伯有之亂。在襄三以大國之事

而未爾討也。務共大國命不暇治女罪。共音恭下同爾有亂心

無厭國不女堪專伐伯有而罪一也。昆弟爭

室而罪二也。謂爭徐吾犯之妹。厭於鹽反薰隧之盟女矯

君位而罪三也。謂使大史書七子有死罪三何以堪

恨甚快其  
不恨不快

之不速死大刑將至再拜稽首辭曰死在朝

夕無助天為虐子產曰人誰不死凶人不終

命也作凶事為凶人不助天其助凶人乎。請

以印為褚師。印子皙之子褚師市官。褚張呂反子產曰印也

若才君將任之不木將朝夕從女女罪之不

恤而又何請焉不速死司寇將至七月壬寅

縊尸諸周氏之衢。衢道也加木焉。書其罪於木

晉少姜卒公如晉及河晉侯使士文伯來

曰非伉儷也晉侯溺於所幸為少姜行夫

侯故請君無辱公還季孫宿遂致服焉致少

還服公以末秋行始冬叔向言陳無字於晉

侯曰彼何罪彼無君使公族逆之齊使上大

夫送之猶曰不共君求以貪國則不共逆卑

是晉國不共而執其使君刑已頗何以為盟主頗

平。頗且少姜有辭謂請無冬十月陳無字

歸晉侯十一月鄭印段晉弔弔少姜

**經**三年春王正月丁未滕子原卒襄二十五年盟重丘

○重直恭反夏叔弓如滕五月葬滕成公卿共小

禮過厚葬襄公滕子來會故秋小邾子來朝

魯厚報之。共音恭下皆同北燕

八月大雩冬大雨雹無傳記災。雨于

伯款出奔齊不書大夫逐之而言

**傳**三年春王正月鄭游吉如晉送少姜之葬

梁丙與張趯見之二子晉大夫梁丙曰甚矣

哉子之為此來也卿共妾葬過禮子大叔曰

甚。為于僞反昭公



將得已乎。言不昔文襄之霸也。晉文公其務

不煩諸侯。令諸侯三歲而聘，五歲而朝。有事

而會，不協而盟。明王之制歲聘，間朝。在十三年，今簡之。君薨，大

夫弔，卿共葬事。夫人士弔，大夫送葬。先王之制諸侯

之喪，士弔，大夫送葬，在三十年，蓋時俗過制，故文襄雖節之，猶過於古。足以昭

禮命事，謀闕而已。朝聘以昭禮，盟會以謀闕。無加命矣。命

常今嬖寵之喪，不敢擇位而數於守適。不敢

位卑而令禮數如守適，夫人然則時適夫人之喪，弔送之禮已過，文襄之制而數所具

反又所主反唯懼獲戾，豈敢憚煩。少姜有寵

而死，齊必繼室。繼室復今茲吾又將來賀，不

唯此行也。張趯曰：善哉！吾得聞此數也。然自

今子其無事矣。譬如火焉。火心火中寒暑乃

退。心以季夏昏中而暑，退季冬旦中而寒退。此其極也。能無退乎。

晉將失諸侯，諸侯求煩不獲。言將不能復煩諸侯。二大

夫退，子大叔告人曰：張趯有知，其猶在君子

之後乎。譏其無隱諱。丁未，滕子原卒，同盟。故

左傳

昭公

及古

書名

同盟於襄之世亦應從之禮故傳發之

齊侯使晏嬰請

繼室於晉

復以女繼少姜

曰寡君願事君朝夕不倦

將奉質幣以無失時則國家多難是以不獲

不得自來。質之二反。又如字難乃旦反。不腆先君之適。謂少姜以

備內宮焜燿寡人之望則又無祿早世隕命

寡人失望君若不忘先君之好惠顧齊國辱

收寡人微福於大公丁公

微要也二公齊先君言收恤寡人則

先君與之福也。焜胡本反又音昆微古堯反

照臨敝邑鎮撫其社

稷則猶有先君之適

適夫人之女

及遺姑姊妹

遺餘

也若而人

言如常人不敢譽

君若不棄敝邑而辱使

董振擇之以備嬪嬙寡人之望也

董正也振整也嬪嬙

婦官。振之刃反一音真

韓宣子使叔向對曰寡君之願

也寡君不能獨任其社稷之事未有伉儷在

縗經之中是以未敢請

制夫人之服則葬訖君臣乃釋服。任音

壬君有辱命惠莫大焉若惠顧敝邑撫有晉

國賜之內主豈唯寡君舉羣臣實受其貺其

自唐叔以下實寵嘉之唐叔晉之祖既成昏許昏成

晏子受禮受賓享之禮叔向從之宴相與語叔向

曰齊其何如問與衰晏子曰此季世也吾弗知

齊其為陳氏矣不知其他唯齊將為陳氏公棄其民而

歸於陳氏棄民不恤齊舊四量豆區釜鐘四升為

豆各自其四以登於釜四豆為區區斗六升四區為釜釜六斗四

升登成也量音亮下同區烏侯反下皆同釜十則鐘六斛陳氏

三量皆登一焉鐘乃大矣登加也加一謂加舊量之一也以五

升為豆五豆為區五區為釜則區二斗釜八斗鐘八斛以家量貸而以

公量收之貸厚而收薄山木如市弗加於山魚鹽

蜃蛤弗加於海賈如在山海不加貴蜃食軫反賈音嫁民參其

力二入於公而衣食其一言公重賦歛。參七南反又音二

公聚朽蠹而三老凍餒三老謂上壽中壽下壽皆八十已上不見

養國之諸市屨賤踊貴踊別足者屨言則多。踊音勇民人

痛疾而或煥休之煥休痛念之聲謂陳氏也煥於喻反一於六反休

虛喻反又許留反其愛之如父母而歸之如流水欲



無獲民將焉辟之箕伯直柄虞遂伯戲

皆舜人

後陳氏之先其相胡公大姬已在齊矣

胡公

戲許宜反之。後周始封陳之祖大姬其妃也言陳氏雖

為人臣然將有國其先祖鬼神已與胡公共

在齊。叔向曰然雖吾公室今亦季世也戎

大音泰馬不駕卿無軍行

言晉衰弱不能征討公乘

無人卒列無長

百人為卒言人皆非其

庶民

罷敝而宮室滋侈

滋益道殣相望

餓死為殣

路冢也

而女富溢尤

女嬖寵

民聞公命如逃寇

讎欒郤胥原狐續慶伯降在阜隸

八姓晉舊

阜隸

政在家門

大夫專政

民無所依君曰不悛以

樂悞憂

悞藏悛收也

公室之卑其何日之

有

言今讒鼎之銘

讒鼎名也

曰昧旦不顯後世猶

怠

昧旦早起也平大也言夙

況日不悛其能

久乎晏子曰子將若何

問何以

叔向曰晉之

公族盡矣肸聞之公室將卑其宗族枝葉先

落則公從之肸之宗十一族

同祖為宗唯

昭公

昭公

昭公

昭公

羊舌氏在而已。胙又無子。無賢子公室無度。法無

度幸而得死。言得以壽終為幸豈其獲祀。言必不初

景公欲更晏子之宅。曰：子之宅近市，湫隘

塵，不可以居。湫下隘小，蹶聲塵土。湫，請更

諸爽塏者。爽明塏燥。塏音凱。辭曰：君之先臣容焉。先

晏子之先人臣不足以嗣之。於臣侈矣。侈奢也且小

人近市，朝夕得所求，小人之利也。敢煩里旅

旅衆也，不敢勞衆為已宅。公笑曰：子近市，識貴賤乎？對曰：

既利之，敢不識乎？公曰：何貴何賤？於是景公

繁於刑。繁多也有鬻踊者，故對曰：踊貴履賤。既

已告於君，故與叔向語而稱之。傳護晏子，令

譏。鬻羊六反，賣也。景公為是省於刑。君子曰：仁人之

言，其利溥哉！晏子一言而齊侯省刑。詩曰：君

子如祉，亂庶遄已。詩小雅如行也。祉，福也。遄，疾也。言君子行福，則庶幾

亂疾止也。為于偽反。其是之謂乎？及晏子如晉，公更

其宅，反則成矣。既拜，拜謝新宅乃毀之而為里室。

昭公

昭公

皆如其舊。

本壞里室以大晏子之宅故復之。壞音怪。

則使宅人

反之。

還其故室。還音環。

且諺曰：非宅是卜，唯鄰是卜。

卜良。

二三子先卜鄰矣。

二三子謂鄰人。

違卜不祥，君

子不犯非禮。

去儉即奢。為非禮。

小人不犯不祥，古之

制也。吾敢違諸乎？卒復其舊宅，公弗許。因陳

桓子以請，乃許之。

傳言齊晉之衰，賢臣懷憂且言陳氏之興。

夏四

月，鄭伯如晉，公孫段相，甚敬而卑，禮無違者。

晉侯嘉焉，授之以策。

策賜命之書。

曰：子豐有勞於

晉國。

子豐段之父。

余聞而弗忘，賜女州田。

州縣今屬河內。

郡。女音汝。

以胙乃舊勲，伯石再拜稽首受策，以

出。君子曰：禮，其人之急也乎？伯石之汰也。

汰，驕也。

一為禮於晉，猶荷其祿，況以禮終始乎？詩

曰：人而無禮，胡不遄死？其是之謂乎？初，州縣

欒豹之邑也。

豹欒盈族。荷戶可反。

及欒氏亡，范宣子

趙文子、韓宣子皆欲之。文子曰：溫，吾縣也。

州本屬溫。

屬溫。溫趙氏邑。

二宣子曰：自郤稱以別，三傳矣。

郤稱晉大夫。

夫始受州自是州與溫別至今晉之別縣不  
傳三家。稱尺證反傳直專反。唯州誰獲治之。言縣邑既別甚多無文子病

之乃舍之二子曰吾不可以正議而自與也。

皆舍之及文子為政趙獲曰可以取州矣。趙獲

文子之子。乃舍音赦又音捨下同。文子曰退。使獲退也。二子之言

義也。二子二宣子也。違義禍也余不能治余縣又焉

用州其以徼禍也君子曰弗知實難。患不知禍所起

知而弗從禍莫大焉有言州必死豐氏故主

韓氏。故猶舊也豐氏至晉舊以韓氏為主人。伯石之獲州也韓

宣子為之請之為其復取之之故。後若還晉因自欲取

之為七年豐氏歸州張本為去聲自為介外皆同。五月叔弓如滕葬

滕成公子服椒為介及郊遇懿伯之忌敬子

不入。忌怨也懿伯椒之叔父敬子叔弓也叔弓禮椒為之辟仇。辟音避。惠伯

曰公事有公利無私忌椒請先入乃先受館

敬子從之。惠伯子服椒也傳言叔弓之有禮。晉韓起如齊逆

女。為平公逆。公孫蠆為少姜之有寵也以其子更

公女而嫁公子

更嫁公女。蠆人謂宣子子救邁反更平聲

尾欺晉晉胡受之宣子曰我欲得齊而遠其

寵寵將來乎寵謂子尾秋七月鄭罕虎如晉

賀夫人且告曰楚人曰徵敝邑以不朝立王

之故楚靈王新立敝邑之往則畏執事其謂寡君

而固有外心其不往則宋之盟云云交進退相見

罪也寡君使虎布之布陳也宣子使叔向對曰

君若辱有寡君在楚何害脩宋盟也君苟思

盟寡君乃知免於戾矣君若不有寡君雖朝

夕辱於敝邑寡君猜焉猜疑也君實有心何辱

命焉言若有事晉心至楚可不須告君其往也苟有寡君在

楚猶在晉也張趯使謂大叔曰白子之歸也

歸在此小人糞除先人之敝廬曰子其將來

今子皮實來小人失望大叔曰吉賤不獲來

賤非上卿畏大國尊夫人也且孟曰而將無事吉

庶幾焉孟張趯也庶幾如趯言小邾穆公來朝季武子

昭公

及古

昭公

昭公

昭公



欲卑之不欲以諸侯禮待之穆叔曰不可曹滕二邾實

不忘我好敬以逆之猶懼其貳又卑一睦焉

一睦謂小邾逆羣好也其如舊而加敬焉志曰能

敬無災又曰敬逆來者天所福也季孫從之

八月大雩旱也齊侯田於莒莒齊東竟盧蒲

嫫見泣且請曰余髮如此種種余奚能為嫫慶

封之黨襄二十八年放之於竟種種短也自言衰老不能復為害嫫普結反見賢遍反

種章勇反公曰諾吾告二子二子子雅千尾歸而告之子

尾欲復之子雅不可曰彼其髮短而心甚長

其或寢處我矣言不可信九月子雅放盧蒲嫫于

北燕恐其復作亂燕簡公多嬖寵欲去諸大夫而

立其寵人冬燕大夫比以殺公之外嬖比相親比

比毗志反公懼奔齊書曰北燕伯款出奔齊

罪之也款罪輕於衛衍重於蔡朱十月鄭伯

如楚子產相楚子享之賦吉日吉日詩小雅宣王田獵之

詩楚王欲與鄭伯共田欲賦之既享子產乃具田備王以田

江南之夢

楚之雲夢跨江南北。夢如字又莫公反。

齊公孫竈卒

竈子

司馬竈見晏子

司馬竈齊大夫

曰又喪子雅矣

晏子曰惜也子旗不免殆哉

以其不臣。喪息浪反。姜

族弱矣而嬀將始昌

嬀陳氏。九危反。

二惠競爽猶

可

子雅子尾皆齊惠公之孫也。競彊也。爽明也。

又弱一个焉。姜其

危哉

个古。賀反。

春秋左傳卷二十

春秋左傳卷二十一

經四年春王正月大雨雹

當雪而雹故以為災而書之。雨于

付反雹。蒲學反。

夏楚子蔡侯陳侯鄭伯許男徐子滕

子頓子胡子沈子小邾子宋世子佐淮夷會

于申

楚靈王始合諸侯。沈音審。

楚人執徐子

稱人以執以不道於

告其民秋七月楚子蔡侯陳侯許男頓子胡子

沈子淮夷伐吳

因申會以伐吳不言諸侯者。鄭徐滕小邾宋不在故也。胡

國汝陰縣西北有胡城。

執齊慶封殺之

齊討慶封故稱

左傳

昭公

五

齊遂滅賴九月取鄆鄆莒邑傳例曰克邑不用師徒曰取。鄆才陵

反冬十有二月乙卯叔孫豹卒

傳四年春王正月許男如楚楚子止之欲與俱田

遂止鄭伯復田江南許男與焉前年楚子已與鄭伯田江

南故言復。復扶又反與羊茹反使椒舉如晉求諸侯二君

待之二君鄭許椒舉致命曰寡君使舉曰日君有

惠賜盟于宋宋盟在襄二十七年曰晉楚之從交相見

也以歲之不易不易言有難易以豉反寡人願結驩於

二三君欲得諸侯謀事補闕使舉請閒君若苟無四方

之虞虞度也。開則願假寵以請於諸侯。借欲音開居開反

君之威寵以致諸侯晉侯欲勿許司馬侯曰不可楚王

方侈天或者欲逞其心以厚其毒而降之罰

未可知也其使能終亦未可知也晉楚唯天

所相相助也不可與爭君其許之而脩德以待

其歸若歸於德吾猶將事之況諸侯乎若適

淫虐楚將棄之棄不以君吾又誰與爭公曰晉

有三不殆其何敵之有也殆危也國險而多馬齊

楚多難多篡弑之難有是三者何鄉而不濟對曰

恃險與馬而虞鄰國之難是三殆也四嶽東嶽

岱西嶽華南嶽衡北嶽恒三塗在河南陸渾縣南陽

城在陽城北大室在河南陽城縣西南荆山在新城

南九州之險也是

不一姓雖是天下至險無德則滅亡冀之北土燕代燕

馬之所生無興國焉恃險與馬不可以為固

也從古以然是以先王務脩德音以亨神人

也亨通也不聞其務險與馬也鄰國之難不可虞

也或多難以固其國啓其疆土或無難以喪

其國失其守宇於國則四垂為宇若何虞難齊有仲

孫之難而獲桓公至今賴之仲孫公孫無知事在莊九年

晉有里平之難而獲文公是以為盟主里克平鄭

事在僖九年衛邢無難敵亦喪之閔二年秋

十五年故人之難不可虞也恃此三者而不

左傳 昭公 及古

脩政德亡於不暇又何能濟君其許之紂作

淫虐文王惠和殷是以隕周是以興夫豈爭

諸侯乃許楚使使叔向對曰寡君有社稷之

事是以不獲春秋時見言不得自往謙諸侯

君實有之何辱命焉椒舉遂請昏蓋楚子遣舉時兼使

求昏晉侯許之楚子問於子產曰晉其許我諸

侯乎對曰許君晉君少安不在諸侯安於小

遠圖其大夫多求貪也莫匡其君在宋之盟又曰

如一晉楚同也若不許君將焉用之焉用宋盟王曰諸

侯其來乎對曰必來從宋之盟承君之歡不

畏大國大國晉也何故不來不來者其魯衛曹邾

乎曹畏宋邾畏魯魯衛偏於齊而親於晉唯

是不來其餘君之所及也誰敢不至言楚威力所能

及王曰然則吾所求者無不可乎對曰求逞

於人不可逞快也求人以快意人必違之與人同欲盡濟為下

會申傳大雨雹季武子問於申豐曰雹可禦乎

左傳 昭公

及古

禦止也申對曰聖人在上無雹雖有不為災

古者日在北陸而藏冰陸道也謂夏十二月

之西陸朝覲而出之謂夏三月日在昴畢蟄

奎星朝其藏冰也深山窮谷固陰沍寒於是

乎取之沍閉也必取積陰之冰所其出之也

朝之祿位賓食喪祭於是乎用之言不獨共

恭其藏之也黑牡秬黍以享司寒黑牡黑牲

也司寒玄冥北方之神故物皆用黑其出之

也桃弧棘矢以除其災桃弓棘箭所以禳除

其出入也時食肉之祿冰皆與焉謂在朝廷

治其職事就官大夫命婦喪浴用冰命婦大

祭寒而藏之享司獻羔而啓之謂二月春分

開冰公始用之公先用火出而畢賦見火星昏

謂三月自命夫命婦至於老疾無不受冰老

仕在山人取之縣人傳之山人虞官縣人與

人納之隸人藏之與隸皆夫冰以風壯冰因

三傳昭公

而順春風而以風出而散用其藏之也周周密其用

之也徧疾及老則冬無愆陽愆過也夏無伏陰

伏陰謂春無淒風淒寒秋無苦雨霖雨為人

雷出不震震霆無蓄霜雹癘疾不降癘惡民

不夭札短折為夭夭死為札今藏川池之冰

棄而不用既不藏深山窟谷之冰又風不越

而殺雷不發而震越散也言陰陽雹之為蓄

誰能禦之七月之卒章藏冰之道也七月詩

章曰二之日鑿冰沖沖謂十二月鑿而取之

三之日納于凌陰凌陰冰室也四之日其蚤

獻羔祭韭謂二月春分蚤開夏諸侯如楚魯

衛曹邾不會曹邾辭以難公辭以時祭衛侯

辭以疾如子產言鄭伯先待于申自楚先

六月丙午楚子合諸侯于申椒舉言於楚子

曰臣聞諸侯無歸禮以為歸今君始得諸侯

其慎禮矣霸之濟否在此會也夏啓有鈞臺

之享啓禹子河南陽翟縣南有商湯有景亳

鈞臺陂蓋啓享諸侯於此

之命

河南鞏縣西南有湯亭或言亳即偃師

周武有孟津之誓

將伐

成有岐陽之蒐

成王歸自奄大蒐於岐山之陽岐山在扶風美

紂也

康有艷宮之朝

艷在始平鄠縣東有靈臺康王於是朝諸侯

穆有塗山之會

穆王會諸侯於塗山塗山在壽春東北

齊桓有

召陵之師

在僖四年

晉文有踐土之盟

在僖二十八年

君

其何用宋向戌鄭公孫僑在諸侯之良也君

其選焉

選擇所用。向舒亮反戌音恤

王曰吾用齊桓

用會召陵

禮之王使問禮於左師與子產左師曰小國習

之大國用之敢不薦聞

言所聞謙示所未行

獻公合諸

侯之禮六

其禮六儀也宋爵公故獻公禮

子產曰小國共職

敢不薦守獻伯子男會公之禮六

鄭伯爵故獻伯子男

會公之禮其禮同所從言之異。共音恭守手又反

君子謂合左師善

守先代子產善相小國王使椒舉待於後以

規過

規正二子之過

卒事不規王問其故對曰禮吾

未見者有六焉又何以規

左師子產所獻六禮楚皆未嘗行

宋大子佐後至王田於武城久而弗見椒舉



請辭焉請王辭謝之王使往曰屬有宗祧之事於

武城言為宗廟田獵也祧他彫反屬章寡君將墮幣焉

敢謝後見恨其後至故言將因諸侯會布幣乃相見經并書宋大子佐知此言

在會前。墮許規反徐子吳出也以為貳焉見如字又賢遍反

故執諸申言楚子以疑罪執諸侯楚子示諸侯侈侈自奢

椒舉曰夫六王二公之事六王啟湯武成康穆也二公齊桓晉

皆所以示諸侯禮也諸侯所由用命也夏

桀為仍之會有緡叛之仍緡皆國名商紂為黎之

蒐東夷叛之黎東夷國名周幽為大室之盟我狄

叛之大室中嶽皆所以示諸侯汰也諸侯所由棄

命也今君以汰無乃不濟乎王弗聽子產見

左師曰吾不患楚矣汰而懷諫懷很也。汰音泰懷皮逼

反很胡不過十年左師曰然不十年後其惡

不遠遠惡而後棄惡及遠方則人棄之善亦如之德遠

而後興為十三年楚秋七月楚子以諸侯伐

吳宋大子鄭伯先歸經所以更敘諸侯也時皆歸獨言二



國者鄭伯久於楚宋大子不得時見故慰遣之。見賢過反又如字。宋華費遂

鄭大夫從從伐吳以荅見慰。費扶味反從才用反。使屈申圍朱

方朱方吳邑齊慶封所封也。屈申屈蕩之子。屈居勿反。八月甲申克

之執齊慶封而盡滅其族。慶封以襄二十八年奔吳八月無甲

申日將戮慶封椒舉曰臣聞無瑕者可以戮

人慶封唯逆命是以在此。逆命謂性不恭順。其肯從

於戮乎。言不肯默而從戮。播於諸侯焉用之。播揚也。播波

佐反又波可反王弗聽負之斧鉞以徇於諸侯使言

曰無或如齊慶封弑其君弱其孤以盟其大

夫。齊崔杼弑君慶封其黨也故以弑君罪責之。慶封曰無或如楚

共王之庶子圍弑其君兄之子麋而代之

以盟諸侯王使速殺之遂以諸侯滅賴賴子面

縛銜璧士袒輿櫬從之造於中軍。中軍王所將。麋九

倫反袒音但王問諸椒舉對曰成王克許。在僖六年許

僖公如是王親釋其縛受其璧焚其櫬王從

之。從舉言遷賴於鄢。鄢楚邑。鄢於晚反又於建反。楚子欲遷

許於賴使鬪韋龜與公子棄疾城之而還許為

城也韋龜子申無宇曰楚禍之首將在此矣外竟諸侯

召諸侯而來伐國而克城竟莫校言將有事

無與爭。王心不違民其居乎不得安也民

之不處其誰堪之不堪王命乃禍亂也九月

取鄆言易也莒亂著丘公立而不撫鄆鄆叛

而來故曰取凡克邑不用師徒曰取著丘公去疾也

反鄭子產作丘賦丘十六井當出馬一匹牛三頭今子產別賦其田如

魯之田賦田賦在哀十一年國人謗之謗毀也曰其父死於

路謂子國為尉氏所殺已為蠶尾謂子產重賦毒害百姓。蠶救邁反以

令於國國將若之何子寬以告子寬鄭大夫子產

曰何害苟利社稷死生以之以用也且吾聞為

善者不改其度故能有濟也民不可逞度不

可改度法也詩曰禮義不愆何恤於人言逸詩子產

自以為為權制濟國於禮義無愆吾不遷矣遷移也渾罕曰國氏

左傳

昭公

及右閣

商君用法  
可與此意

其先亡乎。渾罕子寬君子作法於涼，其敝猶

貪。涼薄也作法於貪，敝將若之何。言不可久行姬在

列者。在列國也蔡及曹滕其先亡乎，偏而無禮。蔡偏

楚曹滕偏宋鄭先衛亡，偏而無法。偏晉政不率法

而制於心，民各有心，何上之有。子產權時救急

正冬吳伐楚，入棘櫟麻。棘櫟麻皆楚東鄙邑，譙國鄆縣東北有棘

亭汝陰新蔡縣東北有櫟亭。櫟以報朱方

之役。朱方役在楚沈尹射奔命於夏汭。夏汭漢水

曲入江今夏口也。吳兵在東北，楚盛兵在東南，以絕其後。射食夜反，又食亦反。

尹宜咎城鍾離。宜咎本陳大夫襄二十遠啓

疆城巢，然丹城州來。然丹鄭穆公孫襄十九年奔楚。遠于委反。

東國水不可以城，彭生罷賴之師。彭生楚大夫罷鬬韋

龜城賴之師。初，穆子去叔孫氏及庚宗，成十年

辟僑如之難，奔齊庚宗魯地。難乃旦反。遇婦人，使私為食而宿

焉，問其行，告之故，哭而送之。婦人聞而哭之適齊，娶

於國氏。國氏齊正卿姜姓生孟丙、仲壬、夢天、壓、已弗

昭公

昭公

勝甲反勝音升下同顧而見人黑而上僂上僂

肩僂僂力主深目而豸喙口象豬。豸音加喙許穢反

號之曰牛助余乃勝之且而皆召其徒無之

徒從者號胡且曰志之志識也。識申志反及宣伯

奔齊饋之宣伯僑如穆子之兄成十宣伯曰

魯以先子之故先子宣伯先人將存吾宗必召女召

女何如對曰願之久矣言兄始為亂已則有今日之願蓋忿言

魯人召之不告而歸既立在齊生孟丙仲壬魯召之

此一篇文字與甚曲甚秦漢人決不能厝手其妙處皆在於口頭囁嚅吞吐若說不出而光景一一可思

立為卿襄二年始見經所宿庚宗之婦人獻以雉獻穆

問其姓問有子否。女生對曰余子長矣能

奉雉而從我矣襄二年豎牛五六召而見之

則所夢也未問其名號之曰牛曰唯皆召其

徒使視之遂使為豎豎小臣也傳言有寵長

使為政為家公孫明知叔孫於齊公孫明齊

也與叔孫相親知歸未逆國姜子明取之國姜孟仲

住故怒其子長而後使逆之子孟丙田於丘

三傳 卷三十一 昭公 及古閣

猶丘猶地名遂遇疾焉豎牛欲亂其室而有

之強與孟盟不可欲使從已孟不肯。強其丈反。叔孫為孟

鐘曰爾未際際接也孟未與諸大夫相接。見。為于偽反。又如字。饗大

夫以落之以豨豬血。饗禮。使豎牛請日。

請饗入弗謁謂白也。出命之日詐命日。及賓至聞

鐘聲牛曰孟有北婦人之客北婦人國姜也。客謂公孫明。

怒將往牛止之賓出使拘而殺諸外殺孟牛。

又強與仲盟不可仲與公御萊書觀於公萊書。

以下画出  
千古險人  
妙在語冷  
態亦冷欲  
矣欲笑

公御士名仲與之私遊觀於公賜公與之環玉

環使牛入示之示叔入不示出命佩之牛謂

叔孫見仲而何而何如何。見。叔孫曰何為

惟牛言曰不見既自見矣言仲已自公與之環

而佩之矣遂逐之奔齊疾急命召仲牛許而

不召杜洩見告之飢渴授之戈杜洩叔孫氏

叔孫叔孫怒欲使杜洩殺宰也牛不食對曰求之而至又

何去焉言求食可得無為去豎牛蓋杜洩力

左傳

昭公

及古

豎牛曰。夫子疾病。不欲見人。使寘饋于个而

退。寘。置也。个。東西廂。息羊反。牛弗進。則置虛命徹。寫器令空。

示若叔孫已。十二月癸丑。叔孫不食。乙卯卒。

三日絕糧。牛立。昭子而相之。昭子。豹之庶子。叔孫姑也。相。息亮反。姑。

救略反。公使杜洩葬叔孫豎牛。賂叔仲昭子與

南遺。昭子。叔仲帶也。南遺。季氏家臣。使惡杜洩於季孫而去

之。憎洩不與。巴同志。杜洩將以路葬。且盡卿禮。路。王所賜

車。叔孫南遺謂季孫曰。叔孫未乘路。葬焉用之。

不可無此

一个正人

一番正論

然亦可為

兼正雅邪

之戒

且冢卿無路。介卿以葬。不亦左乎。冢卿。謂季孫介次也。

左不。季孫曰。然。使杜洩舍路。舍。置也。舍。式夜反。或音捨。

不可。曰。夫子受命於朝。而聘于王。在襄二十四年。夫子

謂叔孫。王思舊勲。而賜之路。感其有禮。以念其先人。復命

而致之君。豹不敢自乘。君不敢逆王命。而復賜之。

使三官書之。吾子為司徒。實書名。謂季孫也。書名。定位。

號。復。夫子為司馬。與工正書服。謂叔孫也。扶。又反。服。車服之

器。工。正。孟孫為司空。以書勲。勲。功也。今死而弗

所書。昭公

以是棄君命也。書在公府而弗以。是廢三官也。若命服。生弗敢服。死又不以。將焉用之。乃使以葬。季孫謀去中軍。豎牛曰。夫子固欲去之。誣叔孫以媚季孫

**經**五年春王正月舍中軍。襄十一年始立中軍。舍音捨。傳同。

楚殺其大夫屈申。書名罪之。公如晉。夏莒牟夷以

牟婁及防茲來奔。城陽平昌縣西南有防亭。姑幕縣東北有茲亭。秋

七月公至自晉。戊辰叔弓帥師敗莒師于蚡

泉。蚡泉魯地。蚡扶粉反。秦伯卒。無傳不書名。未同盟。冬楚子蔡

侯陳侯許男頓子沈子徐人越人伐吳

**傳**五年春王正月舍中軍。卑公室也。罷中軍。季孫稱

左師孟氏稱右師叔孫氏則自以叔孫為軍名。毀中軍于施氏。成諸

臧氏。季孫不欲親其議。勅二家會諸大夫發毀置之計。又取其令名。初作中

軍。三分公室而各有其一。三家各有軍。家屬。季氏盡

征之。無所入。叔孫氏臣其子弟。以父兄歸公。孟氏

取其半焉。復以子弟之半歸公。及其舍之也。四分公室。



季氏擇二簡擇取二分。或如字。二子各一，皆盡。

征之而貢于公。國人盡屬三家。三家隨時獻公而已。以書使杜

洩告於殯。告叔孫之柩。曰：子固欲毀中軍，既毀之

矣。故告杜洩曰：夫子唯不欲毀也，故盟諸僖

閔，詛諸五父之衢。皆在襄十一年。受其書而投之。投也。

帥士而哭之。痛叔孫之見誣。叔仲子謂季孫曰：帶

受命於子叔孫曰：葬鮮者自西門。不以壽終為鮮西門。

季孫命杜洩。命使從。杜洩

曰：卿喪自朝，魯禮也。從生存朝，覲之正路。吾子為國政

未改禮而又遷之。遷易也。羣臣懼死，不敢自也。

自從既葬而行。善杜洩能辟禍。仲至自齊。聞喪而來。季孫

欲立之，南遺曰：叔孫氏厚，則季氏薄。彼實家

亂，子勿與知。不亦可乎？南遺使國人助豎牛。

以攻諸大庫之庭。攻仲壬也。魯城內有大庭，氏之虛於其上。作庫。與

音預虛起居反。司宮射之中目而死。豎牛取東鄙三

十邑以與南遺。取叔孫氏邑。昭子即位朝其

詩豎牛假出昭子假手甚妙藏機甚巧若他人殺之便尋常矣此中理數昭子蓋亦為天所用而不知真可為千古賊奴之戒也

反此一附會似蛇足豎牛之禍上告之夢謗之真佛家所謂冤債

家眾曰豎牛禍叔孫氏使亂大從使從於亂殺適立庶又披其邑將以赦罪披析也謂以邑與南遺昭子不知豎牛餓殺其父故但罪莫大焉必速殺之豎牛懼奔齊孟仲之子殺諸塞關之外齊魯界上關塞悉代反投其首於寧風之棘上寧風仲尼曰叔孫昭子之不勞不可能也不以魯人功勞據其所言善之時周任有言曰為政者不賞私勞不罰私怨詩云有覺德行四國

順之詩大雅覺直也言德行直初穆子之生

也莊叔以周易筮之莊叔穆子父得臣也遇明夷三三

離下坤之謙三三艮下坤上謙明以示卜楚

丘楚丘卜名曰是將行行出而歸為子祀奉祭

以讒人入其名曰牛卒以餒死明夷日也離

日夷傷也日之數十甲至故有十時亦當十

位自王已下其二為公其三為卿日中當王食時當公

平旦為卿雞鳴為士夜半為阜人定為與黃昏為隸日入為僚晡時為僕日昃為臺隅中

日出闕不在第尊王公曠其日上其中日中

故以食日為二位公旦日為三位卿明夷之謙明

而未融其當旦乎融朗也離在坤下日在地中之象又變為謙謙道卑

退故曰明而未融日明故曰為子祀莊叔卿也上豹

為卿故知日之謙當鳥故曰明夷于飛離為鳥離變為謙日光不足故

當鳥鳥飛行故曰于飛明而未融故曰垂

其翼於日為未融象日之動故曰君子于行

明夷初九得位有應君子象也在明傷之世居謙下之位故將碎難而行當三在

且故曰三日不食且位在三又非食離火也

艮山也離為火火焚山山敗離艮合體故於人為

言艮為言敗言為讒為離所焚故言敗故曰

有攸往主人有言言必讒也離變為艮故言有所往往而見

燒故主人有言言純離為牛易離上離下離而見敗故必讒言

純離世亂讒勝勝將適離故曰其名曰牛畜牝牛吉故言

山則離勝譬世亂則讒勝山焚則離獨存故知名牛也豎牛非牝牛故不吉謙不

足飛不翔謙道冲退故垂不峻翼不廣峻高也翼

昭公

垂下故不故曰其為子後乎不遠翔故吾子

能廣遠知不遠去亞卿也抑少不終旦日正卿之位莊叔父子

卦體蓋引世為亞卿位不足以終盡楚子以屈申為貳於吳乃殺之生造

而致之貳以屈生為莫敖建子使與令尹子蕩如晉

逆女過鄭鄭伯勞子蕩于汜勞屈生于菟氏

汜菟氏皆鄭地。過古禾反勞力報晉侯送

女于邢丘子產相鄭伯會晉侯于邢丘楚傳言

諸侯畏公如晉即位而自郊勞至于贈賄往

正論

郊勞去無失禮揖讓晉侯謂女叔齊曰魯侯

不亦善於禮乎對曰魯侯焉知禮公曰何為

自郊勞至于贈賄禮無違者何故不知對曰

是儀也不可謂禮禮所以守其國行其政令

無失其民者也今政令在家在大不能取也

有子家羈弗能用也羈莊公玄奸大國之盟

陵虐小國謂伐莒利人之難謂在年莒亂而

反下不知其私不自知公室四分民食於他

竝同昭公

他謂三家也言魯君與民無異者。思莫在公。不圖其終。無為公謀終始

之本末。將於此乎在。在恤民與憂國而屑屑焉習儀

以亟。言以習儀為急言善於禮。不亦遠乎。君子謂叔

侯於是乎知禮。時晉侯亦失政。叔齊以諷諫。諷芳鳳反。晉韓

宣子如楚。送女。叔向為介。鄭子皮子大叔勞

諸索氏。河南城皋縣東有大索城。索悉洛反。大叔謂叔向曰

楚王汰侈已甚。子其戒之。叔向曰。汰侈已甚

身之災也。焉能及人。若奉吾幣帛。慎吾威儀

守之以信。行之以禮。敬始而思終。終無不復

復行。從而失儀。從順也敬而不失威。道之

以訓辭。奉之以舊法。考之以先王。以先王之禮成其好

度之。以二國。度晉楚之勢而行。度待洛反。雖汰侈。若我

何及楚。楚子朝其大夫曰。晉吾仇敵也。苟得

志焉。無恤其他。今其來者。上卿上大夫也。若

吾以韓起為閹。別足使守門以羊舌肸為司宮。加宮

昭公

楚子亦姑為大言以自快耳。未慮也。故遠啓疆之對。

爭似談朝

左傳

卷二十一

二十

刑。乙反。足以辱晉，吾亦得志矣，可乎？大夫莫

對，遠啓疆曰：可苟有其備，何故不可？恥匹夫

不可以無備，況恥國乎？是以聖王務行禮，不

求恥人，朝聘有珪，珪以爲信，享饋有璋，享饗也，類見也，既朝

聘而享見也，臣爲君使執璋。類他，小有述

職，諸侯適天，大有巡功，天子巡守，設機而不

倚，爵盈而不飲，言務行禮，宴有好貨，宴飲以貨爲好，衣服車馬

在客所無，殮有陪鼎，熟食爲殮，陪加也，加鼎所以厚殷勤。殮音孫

入有郊勞，賔至逆勞，出有贈賄，去則贈之，以貨賄，禮

之至也。國家之敗，失之道也，則禍亂興，失朝聘宴

好之，城濮之役，在僖二，晉無楚備，以敗於邲，

在宣十二年，言兵禍始於城濮。邲皮必反，邲之役，楚無晉備，以

敗於鄢，在成十六年，自鄢以來，晉不失備，而

加之以禮，重之以睦，君臣和也，是以楚弗能報而

求親焉。既獲姻親，又欲恥之，以召寇讎，備之

若何，言何以爲備，誰其重此，言怨重，若有其人，恥之

左傳 昭公 及古

可也謂有賢人以敵若其未有君亦圖之晉

之事君臣曰可矣求諸侯而麋至麋羣也

又其求昏而薦女薦進也君親送之上卿及上

大夫致之猶欲恥之君其亦有備矣不然奈

何韓起之下趙成中行吳魏舒范鞅知盈五

位在韓起之下皆三軍之將佐也成趙武羊

舌胖之下祁午張趯籍談女齊梁丙張骼輔

躒苗賁皇皆諸侯之選也言非凡人趙他

音各躒力狄反又力韓襄為公族大夫韓須

受命而使矣襄韓無忌子也為公族大夫須

任音箕襄邢帶二人韓叔禽叔椒子羽皆韓

子皆大家也韓賦七邑皆成縣也成縣賦羊

舌四族皆疆家也四族銅鞮伯華叔向叔魚

反晉人若喪韓起楊肸五卿八大夫五卿趙

八大夫祁午以下喪息浪輔韓須楊石

反叔向本羊舌氏食菜於楊輔韓須楊石石

向子食我也因其十家九縣韓氏七羊舌氏

左傳

昭公

及古

大數也羊舌四家共二縣故但言疆家

長轂七百

長轂戎車也縣百乘。轂

反古木

其餘四十縣遺守四千

計遺守國者尚有四千乘

奮

其武怒以報其大恥伯華謀之

伯華叔向兄

中行

伯魏舒帥之

伯中行吳

其蔑不濟矣君將以親易

怨失婚姻之親

實無禮以速寇而未有其備使羣

臣往遺之禽以逞君心何不可之有王曰不

穀之過也大夫無辱

謝遠啓疆遺唯季反

厚為韓子

禮王欲敖叔向以其所不知而不能

言叔向之多知

報反。敖五

亦厚其禮韓起反鄭伯勞諸圍

圍鄭地名

辭不敢見禮也

奉使君命未反故。見賢遍反

鄭罕虎如齊

娶於子尾氏

自為逆也

晏子驟見之陳桓子問其

故對曰能用善人民之主也

謂授子產政

夏莒牟

夷以牟婁及防茲來奔牟夷非卿而書尊地

也

尊重也重地故書以名其人終為不義

莒人愬于晉

愬魯受牟夷

晉侯欲止公范獻子曰不可人朝而執之誘

也討不以師而誘以成之情也為盟主而犯



此二者無乃不可乎請歸之閒而以師討焉

閒暇也。誘音酉。閒音閑。又如字。

乃歸公。秋七月，公至自晉。

莒人來討。

討受牟夷。

不設備。戊辰，叔弓敗諸蚡泉。

莒未陳也。

嫌君臣異。故重發例。

冬十月，楚子以諸侯及

東夷伐吳，以報棘櫟麻之役。

役在四年。

遠射以繁

揚之師，會於夏汭。

會楚子。射食亦反。夜反。

越大夫常

壽過帥師會楚子于瑣。

瑣楚地。過古禾反。

聞吳師出

遠啓疆，帥師從之。

從吳師也。

遠不設備，吳人敗諸

鵠岸。

廬江舒縣有鵠尾渚。

楚子以駟至於羅汭。

駟傳也。羅水名。

實反。駟人。

吳子使其弟蹶由犒師。

犒勞。居衛反。

蹶

人執之，將以釁鼓。王使問焉，曰：「女卜來吉乎？」

對曰：「吉。寡君聞君將治兵於敝邑，卜之以守。」

龜曰：「余亟使人犒師，請行以觀王，怒之疾，徐。」

而為之備，尚克知之。

言吳令龜如此。音汝守手又反。下同。龜。

兆告吉，曰：「克可知也。君若驩焉，好逆使臣，茲。」

敝邑休息。

休解也。報反。解佳。賣反。

而忘其死亡，無日。

矣。今君奮焉，震電馮怒。馮盛也。馮皮冰反。虐執使臣，

將以釁鼓，則吳知所備矣。敝邑雖羸，若早脩

完。完器備。羸力危反。其可以息師。息楚師。難易有備可

謂吉矣。且吳社稷是卜，豈為一人。使臣獲釁

軍鼓而敝邑知備，以禦不虞，其為吉孰大焉。

國之守龜，其何事不卜。言常卜。豈一臧一

否，其誰能常之。城濮之兆，其報在邲。城濮戰

其效乃在邲。否悲矣反。今此行也，其庸有報志。言吳有報楚意。

乃弗殺，楚師濟於羅汭。沈尹赤會楚子，次於

萊山，遠射帥繁揚之師，先入南懷。楚師從之，

及汝清。南懷汝清皆楚界。吳不可入。有備。楚子遂觀兵

於坻箕之山。觀示也。坻直夷反。是行也，吳早設備，楚

無功而還，以蹶由歸。楚子懼，吳使沈尹射待

命于巢，遠啓彊待命于雩婁禮也。善有備。雩音于婁。

力侯反。又力俱反。秦后子復歸於秦。元年奔晉。景公卒，故

也。終五稔之言。

六年春王正月杞伯益姑卒再同葬秦景

公夏季孫宿如晉葬杞文公無傳宋華合比出

奔衛合比事君不以道自取奔亡書名罪之。華戶化反比如字秋九月

大雩楚遠罷帥師伐吳音皮冬叔弓如楚齊

侯伐北燕

六年春王正月杞文公卒弔如同盟禮也

魯怨杞因晉取其田而大夫如秦葬景公禮

也合先王士乎大三月鄭人鑄刑書鑄刑書於鼎以

言鄭異國諱書相規

此一段朋友忠告後

為國之常法叔向使詒子產書詒遺也。遺惟季反曰始吾

有虞於子虞度也言準度子產以今則已矣

已止昔先王議事以制不為刑辟懼民之有

爭心也臨事制刑不豫設法也法豫設則民知爭端。辟婢亦反下同猶不

可禁禦是故閑之以義閑防也糾之以政糾舉也

行之以禮守之以信奉之以仁奉養也制為祿

位以勸其從勸從教嚴斷刑罰以威其淫淫放也

斷丁亂反下同懼其未也故誨之以忠聳之以行聳懼

昭公

世行不決

也。行教之以務時所使之以和說以臨之

以敬。涖之以彊施之於斷之以剛義斷猶求

聖哲之上，明察之官。上公王也，官卿大夫也。忠信之長，

慈惠之師。民於是乎可任使也，而不生禍亂。

民知有辟，則不忌於上。權移於法，故民不畏上。竝有爭

心，以徵於書，而微幸以成之。因危文以生爭，緣微幸以成其

巧偽。微弗可為矣。為治也。夏有亂政，而作禹

刑。商有亂政，而作湯刑。夏商之亂，著禹湯之法，言不能議事以制

周有亂政，而作九刑。周之衰，亦為刑書，謂之九刑。三辟之

興，皆叔世也。言刑書不起於始盛之世。今吾子相鄭國，作

封洫。在襄三十年。洫，汎域反。立謗政。作丘賦。制參辟，鑄

刑書。制參辟，謂用三代之末法。將以靖民，不亦難乎？詩曰：

儀式刑文王之德，日靖四方。詩頌言文王以德為儀式，故能以

日有安靖四方之功，刑法也。又曰：儀式刑文王萬邦作孚。詩

雅言文王作儀法為天下所信孚信也。如是何辟之有？言詩唯

信不以刑也。民知爭端矣，將棄禮而徵於書。以刑書為

刑也。

昭公 昭公 昭公

徵錐刀之末將盡爭之錐刀未亂獄滋豐賄

賂竝行終子之世鄭其敗乎除小事胙聞之國將亡

必多制法數改其此之謂乎復書曰若吾子之

言復報也僑不才不能及子孫吾以救世也既

不承命敢忘大惠以見箴戒為惠士文伯曰火見鄭

其火乎火心星周五月昏見。見音現火未出而作火以鑄

刑器刑器鼎也藏爭辟焉火如象之不火何為象類

也同氣相求火未出而用火相感而致災夏季孫宿如晉拜莒田

也謝前年受牟夷邑不見討晉侯享之有加籩籩豆之數多於常禮

武子退使行人告曰小國之事大國也苟免

於討不敢求貺貺賜也得貺不過三獻周禮大夫三獻

今豆有加下臣弗堪無乃戾也懼以不韓宣

子曰寡君以為驩也以加禮致驩心對曰寡君猶未

敢未敢當此加也況下臣君之隸也敢聞加貺固請

徹加而後卒事晉人以為知禮重其好貨好宴

之貨。好去聲。宋寺人柳有寵有寵於平公太子佐

昭公太子佐

惡之華合比曰我殺之。欲以求媚大子。柳聞

之乃坎用牲埋書。詐為盟處而告公曰合比將納

亡人之族。亡人華臣也。襄既盟于北郭矣公

使視之有焉遂逐華合比合比奔衛於是華

亥欲代右師。亥合比弟欲乃與寺人柳比從

為之徵曰聞之久矣。聞合比欲納華臣公使

代之。代合比為右師見於左師。左師向戌。見左師

曰女夫也必亡。夫謂華亥。女音汝下同女喪而宗室於

人何有人亦於女何有。言人亦不能愛。喪息浪反。詩曰

宗子維城毋俾城壞毋獨斯畏。詩大雅言宗

也。俾使女其畏哉。為二十年華六月丙戌鄭災。

終士文楚公子棄疾如晉報韓子也。報前年

過鄭鄭罕虎公孫僑游吉從鄭伯以勞諸桓

辭不敢見。不敢當國君之勞。桓鄭地。過如

桓音查見固請見之見如見王。見鄭伯如見

賢遍反以其乘馬八匹私面。私見鄭伯見子皮

有禮昭公及古

如上卿如見楚卿以馬六匹見子產以馬四匹見

子大叔以馬二匹降殺以兩。殺所界反。禁芻牧採樵

不入田田不犯種不樵樹不采藝藝種也不抽屋不

強句誓曰有犯命者君子廢小人降君子則廢黜不

得居位小人則退給下劇也。句音蓋。舍不為暴主不恩賔恩患

也。恩戶困反。往來如是鄭三卿皆知其將為王也

三卿罕虎公孫僑游吉。韓宣子之適楚也楚人弗逆公

子棄疾及晉竟晉侯將亦弗逆叔向曰楚辟

我衷辟邪也衷正也。竟音境辟匹亦反衷音忠。若何效辟詩曰

爾之教矣民胥效矣詩小雅言上教下效。從我而已焉

用效人之辟書曰聖作則逸書則法也。無寧以善

人為則無寧寧也。而則人之辟乎匹夫為善民猶

則之況國君乎晉侯說乃逆之傳言叔向知禮。秋九

月大雩旱也徐儀楚聘于楚儀楚徐大夫。楚子執

之逃歸懼其叛也使遠洩伐徐遠洩楚大夫。吳人

救之令尹子蕩帥師伐吳師于豫章而次于

凡有禮於人皆其高於自處

乾谿乾谿在譙國城父縣南楚東竟吳人敗其師於房鍾房鍾

地獲宮廡尹棄疾鬪韋龜之父子蕩歸罪於遠洩

而殺之歸罪於遠洩不書冬叔弓如楚聘且弔

敗也弔為吳所敗十一月齊侯如晉請伐北燕也

告盟主士勾相士鞅逆諸河禮也士勾晉大夫相為介得敬

逆來者之禮○勾古害反晉侯許之十二月齊侯遂伐北

燕將納簡公簡公北燕伯三年出奔齊晏子曰不入燕有

君矣民不貳吾君賄左右諂諛作大事不以

信未嘗可也為明年暨齊平傳

七年春王正月暨齊平暨與也燕與齊平前年冬齊伐燕間

無異事故不重言燕從可知三月公如楚叔孫婁如齊

盟無傳公將遠適楚故叔孫如齊尋舊好○婁敕畧反又音釋夏四月甲

辰朔日有食之秋八月戊辰衛侯惡卒元年大夫

盟于號九月公至自楚冬十有一月癸未季孫

宿卒十有二月癸亥葬衛襄公

七年春王正月暨齊平齊求之也齊伐燕燕人略

昭公



之反從求平如晏子言癸巳齊侯次于虢虢燕燕人行

成曰敝邑知罪敢不聽命先君之敝器請以

謝罪敝器瑤璆玉櫝之屬公孫皙曰受服而退俟爨而

動可也哲齊大夫二月戊午盟于濡上濡水出高陽縣東北

至河間鄭縣入易水燕人歸燕姬齊侯與賂

以瑤璆玉櫝竿耳不克而還瑤玉也櫝匱也竿耳玉爵也

古雅反楚子之為令尹也為王旌以田析羽為旌

王旌游至於芋尹無宇斷之曰一國兩君其

誰堪之及即位為章華之宮納亡人以實之

章華南郡華容縣芋于付反斷音短無宇之闈入焉有罪亡入章華

官無宇執之有司弗與王有司也曰執人於王宮

其罪大矣執而謁諸王執無字也王將飲酒遇其歡也

無宇辭曰天子經畧經營天下畧有四海故曰經畧諸侯正

封封疆有定分古之制也封畧之內何非君土食

土之毛誰非君臣毛草也故詩曰普天之下莫

非王土率土之濱莫非王臣詩小雅濱涯也天有十

左傳 昭公 及古

日甲至人有十等王至下所以事上上所以

共神也故王臣公公臣大夫大夫臣士士臣

阜阜臣輿輿臣隸隸臣僚僚臣僕僕臣臺馬

有圉牛有牧養馬曰圉養牛曰牧。共音恭以待百事今有

司曰女胡執人於王宮將焉執之周文王之

法曰有亡荒閱荒大也閱蒐也有亡人當大蒐其眾所以得天

下也吾先君文王楚文作僕區之法僕區刑書名

區區鳥侯反徐如字服云僕隱也曰盜所隱器區匿也為隱匿亡人之法也

隱盜所得器與盜同罪所以封汝也行善法故能啓疆北至汝

若從有司是無所執逃臣也逃而舍之是

無陪臺也言皆將逃王事無乃闕乎昔武王數紂

之罪以告諸侯曰紂為天下逋逃主萃淵藪

萃集也天下逋逃悉以紂為淵藪集而歸之數色具反又色主反逋布吳反藪素口反

故夫致死焉人欲致死討紂夫音扶又方干反君王始求諸

侯而則紂無乃不可乎若以二文之法取之

盜有所在矣言王亦為盜王曰敢而臣以往往去也

盜有寵未可得也

盜有寵王自謂為葬靈王張本

遂赦之

無赦

楚子成章華之臺願與諸侯落之

宮室始成祭之

為落臺今在華容城內

大宰遠啓彊曰臣能得魯侯遠

啓彊來召公辭曰昔先君成公命我先大夫

嬰齊曰吾不忘先君之好將使衡父照臨楚

國鎮撫其社稷以輯寧爾民嬰齊受命于蜀

蜀盟在成二年衡父公衡好呼報反輯音集

奉承以來弗敢失墮

而致諸宗祧

言奉成公此語以告宗廟祧他彫反

曰我先君共

王引領北望日月以冀

冀魯朝共音恭

傳序相授

於今四王矣

四王共康邾敖及靈王

嘉惠未至唯襄公

之辱臨我喪

襄公二十八年如楚臨康王喪

孤與其二三臣

悼心失圖

在哀喪故

社稷之不皇況能懷思君德

皇暇也言有大喪多不服

今君若步玉趾辱見寡君

也趾足

寵靈楚國以信蜀之役致君之嘉惠是寡君

既受貺矣何蜀之敢望

言但欲使君來不敢望如蜀復有質子

復去聲質音致下同

其先君鬼神實嘉賴之豈唯寡君

君若不來使臣請問行期此語、夫、秋、之、氣、通、人、寡君將承

質幣而見于蜀以請先君之貺請問也。公

將往夢襄公祖祖祭道神梓慎曰君不果行襄公

之適楚也夢周公祖而行今襄公實祖君其

不行子服惠伯曰行先君未嘗適楚故周公

祖以道之襄公適楚矣而祖以道君不行何

之三月公如楚鄭伯勞于師之梁鄭城門。勞去聲

孟僖子為介不能相儀僖子仲孫獲俱縛反及楚不

能荅郊勞為下僖子病不能相禮張本夏四月甲辰朔日

有食之晉侯問於士文伯曰誰將當日食對

曰魯衛惡之受其凶惡。惡之如字或去聲衛大魯小公曰

何故對曰去衛地如魯地衛地豕韋也魯地降婁也日食於豕

韋之未及降婁之始乃息故禍在衛大在魯小周四月今二月故曰在降婁。降戶江反

於是有災魯實受之災發於衛而其餘禍其大咎其

衛君乎魯將上卿八月衛侯卒十一月孫宿卒公曰詩所

謂彼日而食于何不臧者何也感日食而問詩對曰

昭公 及古聞

不善政之謂也。國無政，不用善，則自取謫于

日月之災。也。謫，譴也。故政不可不慎也。務三而已。

一曰擇人。擇賢人。二曰因民。因民所利而利之。三曰從

時。順四時之所務。晉人來治杞田。前女叔侯不盡歸。今公適楚，晉人恨

故復來。季孫將以成與之。成，孟氏邑。本杞田。謝息為

孟孫守不可。謝息，僖子家臣。為去聲。下同。守音狩。守臣同。曰：人有

言曰：雖有挈餅之知，守不假器禮也。挈，餅汲者。喻小

知為人守器，猶知不以借人。知音智。夫子從君而守臣喪邑。

夫子謂孟僖子從公如楚。喪去聲。雖吾子亦有猜焉。言季孫亦將疑

我不忠。季孫曰：君之在楚，於晉罪也。言晉罪君之至楚

又不聽晉，魯罪重矣。晉師必至，吾無以待之。

不如與之。閒晉而取諸杞。候晉閒隙可復伐。杞取之。閒如字。

吾與子桃。魯國卞縣東。南有桃虛。成反。誰敢有之？是得

二成也。魯無憂，而孟孫益邑。子何病焉？辭以

無山與之。萊柞。萊柞二山。萊音來。柞子洛反。又音昨。乃遷于

桃。謝息遷也。晉人為杞取成。不書，非昭公命。楚子享公于

新臺章華臺也使長鬣者相鬣鬣也欲先夸魯侯鬣力輒反相去聲

好以大屈宴好之賜大屈弓名反既而悔之

遠啓疆聞之見公公語之拜賀公曰何賀對

曰齊與晉越欲此久矣寡君無適與也而傳

諸君君其備禦三鄰言齊晉越將伐魯而取之見賢遍反語魚據

反適丁慎守寶矣敢不賀乎公懼乃反之言傳

楚靈不信所以不終鄭子產聘于晉晉侯有疾韓宣子

逆客私焉語私曰寡君寢疾於今三月矣竝走

請得有趣  
然楚君臣  
小人哉

羣望晉所望祀山川皆走往祈禱有加而無瘳今夢黃熊

入於寢門其何厲鬼也對曰以君之明子爲

大政其何厲之有昔堯殛鯀于羽山羽山在東海祝

其縣西南。熊音雄獸名亦作能如字一奴

來反三足鼈也解者云獸非入水之物故知

爲鼈也說文云能熊屬其神化爲黃熊以入于羽淵實

爲夏郊三代祀之鯀禹父夏家郊祭之歷殷

并見祀晉爲盟主其或者未之祀也乎言周衰

主得佐天子祀羣神韓子祀夏郊祀晉侯有閒閒差也

賣賜子產莒之二方鼎方鼎莒所貢子產為豐施

歸州田於韓宣子豐施鄭公孫段之子三年晉以州田賜段。為子偽

反曰日君以夫公孫段為能任其事而賜之

州田今無祿早世不獲久享君德其子弗敢

有不敢以聞於君私致諸子此年正月公孫段卒。夫音扶

任音壬下同宣子辭子產曰古人有言曰其父析

薪其子弗克負荷荷擔也以微薄喻貴重施荷河可反擔丁甘反

將懼不能任其先人之祿其況能任大國之

賜縱吾子為政而可後之人若屬有疆場之

言敝邑獲戾恐後代宣子者將以鄭取晉邑罪鄭。屬音燭而豐氏

受其大討吾子取州是免敝邑於戾而建置

豐氏也敢以為請傳言子產貞而不諫宣子受之以告

晉侯晉侯以與宣子宣子為初言病有之初言

謂與趙文子爭州田以易原縣於樂大心樂大心宋大夫原晉邑以

賜樂子鄭人相驚以伯有曰伯有至矣則皆走

不知所往襄三十年鄭殺伯有言其鬼至鑄刑書之歲二月

年在前 或夢伯有介而行也 介甲 曰壬子余將殺

帶也 駟帶助子皙殺伯有 壬子六年三月三日 明年壬寅余又將

殺段也 公孫段豐氏黨壬寅 及壬子駟帶卒 此年正月二十八日

國人益懼齊燕平之月 此年正月 壬寅公孫段卒

國人愈懼其明月 子產立公孫洩及良止以

撫之乃止 公孫洩子孔之子也 襄十九年鄭 殺子孔良止伯有子也 立以為大

夫使有 子大叔問其故 子產曰鬼有所歸乃 宗廟

不為厲吾為之歸也 大叔曰公孫洩何為 孔子

大道理大 機神

不為厲問何 子產曰說也為身無義而國說 為復立洩

伯有無義以妖鬼故立之恐惑民并立洩使 若自以大義存誅絕之後者以解說民心

說如字下同 從政有所反之以取媚也 民不 又始鏡反

知之故治政或當 不媚不信 說而後 不信民 反道以求媚於民

不從也及子產適晉趙景子問焉 景子晉中 軍佐趙成

曰伯有猶能為鬼乎 子產曰能人生始化曰

魄也 魄形 既生魄陽曰魂 陽神 用物精多則魂

魄強 物權 是以有精爽至於神明 爽明 匹夫



匹婦強死其魂魄猶能馮依於人以為淫厲

強死不病也人謂匹夫匹婦賤身。強其丈反下同况良霄我先君穆

公之胄子良之孫子耳之子敝邑之卿從政

三世矣鄭雖無腆腆厚也。子良公子去疾生子耳公孫輒輒生伯有

良霄三世為鄭卿抑諺曰蕞爾國蕞小貌。蕞在最反而三世

執其政柄其用物也弘矣其取精也多矣其

族又大所馮厚矣良霄魂魄所馮者貴重而強死能為

鬼不亦宜乎傳言子產之博敏子皮之族飲酒無度

相尚以奢相困以酒故馬師氏與子皮氏有惡馬師氏公孫鉏

之子罕朔也襄三十年馬師頡出奔公孫鉏代之為馬師與子皮俱同一族齊師

還自燕之月在此年罕朔殺罕魍魍子皮弟罕朔

奔晉韓宣子問其位於子產問朔可使子產

曰君之羈臣苟得容以逃死何位之敢擇卿

違從大夫之位謂以禮去者罪人以其罪降

罪重則降多古之制也朔於敝邑亞大夫也其官

馬師也大夫位獲戾而逃唯執政所寘之得

免其死為惠大矣又敢求位宣子為子產之

敏也使從嬖大夫為子產故使降一等不秋

八月衛襄公卒晉大夫言於范獻子曰衛事

晉為睦睦和也晉不禮焉庇其賊人而取其地

賊人孫林父其地戚也故諸侯貳詩曰鷓鴣在原兄弟

急難詩小雅鷓鴣鷓鴣渠也飛則鳴行則搖喻兄弟相救於急難不可自舍難如字

又乃又曰死喪之威兄弟孔懷威畏也言有死喪則兄弟

宜相懷思兄弟之不睦於是乎不弔不相恤况遠人

誰敢歸之今又不禮於衛之嗣嗣新也衛必叛

我是絕諸侯也獻子以告韓宣子宣子說使

獻子如衛弔且反戚田傳言戚田所由還衛說音悅衛齊

惡告喪于周且請命王使成簡公如衛弔簡公

王卿士也且追命襄公曰叔父陟恪在我先王之

左右以佐事上帝陟登也恪敬也帝天也叔父謂襄公命如今之哀策

余敢忘高圉亞圉二圉周之先也為殷諸侯亦受殷王追命者九

月公至自楚孟僖子病不能相禮不能相儀

左傳昭公 及古聞

卷三十四十一 禮記

此為已病乃講學之也講習苟能禮者從之及其將

死也二十四年孟僖子卒傳終言之召其大夫僖子屬大夫曰禮

人之幹也無禮無以立吾聞將有達者曰孔

丘僖子卒時孔丘年三十五聖人之後也聖人殷湯而滅於宋

孔子六代祖孔父嘉為宋督所殺其子奔魯其祖弗父何以有宋

而授厲公弗父何孔父嘉之兄何適嗣當立以讓厲公

公及正考父弗父何之曾孫佐戴武宣三人皆宋君三命

茲益共三命上卿也言位高益共故其鼎銘云考父廟一

命而僂再命而偃三命而俯俯共於偃偃共於僂。僂力主

反偃紆循牆而走言不敢亦莫余敢侮其共

羽反人亦不安行餽於是於是鼎中以餽余口為饋鬻饋

鬻餽屬言至儉。饋之然反鬻之六反其共也如是臧孫紇有

言紇武仲也曰聖人有明德者若不當世其後必

有達人聖人之後有明德而不當大位謂正考父今其將在孔丘

乎我若獲沒得壽終必屬說與何忌於夫子使

事之說南宮敬叔何忌孟懿子皆僖子之子。屬音燭說音悅而學禮焉

昭公

以定其位。知禮則位安故孟懿子與南宮敬叔師

事仲尼。仲尼曰：能補過者，君子也。詩曰：君子

是則是效。詩小雅孟僖子可則效已矣。單獻公

棄親用羈。獻公周卿士單靖公之子。項公之孫。羈寄客也。單音善。冬十

月辛酉，襄頃之族殺獻公而立成公。襄公頃公之父

成公獻公弟十一月，季武子卒，晉侯謂伯瑕

伯瑕士曰：吾所問日食，從矣，可常乎？衛侯武子皆卒

對曰：不可。六物不同。各異民心不壹。政教殊

於論災  
身春秋不

事序不類。有變官職不則。治官居職非一法同始異

終，胡可常也？詩曰：或燕燕居息，或憔悴事國。

詩小雅言不同。樵在遙反。詩作盡。其異終也如是。公曰：何謂

六物？對曰：歲時、日月、星辰，是謂也。公曰：多謂

寡人辰，而莫同，何謂辰？對曰：日月之會，是謂

辰。一歲日月十二會所會。謂之辰。語魚據反。故以配日。謂以子丑配甲

乙衛襄公夫人姜氏無子，姜氏嬖人嫡始生

孟縶。孔成子夢康叔謂已立元。成子衛卿孔達之孫。蒸鉏

左傳 卷三 四十二 汲古閣

也元孟繫弟夢時元未生。嬀音。周又直周反始烏答反繫張立反。余使羈之

孫圉與史苟相之。羈。丞。鉏。子。史朝亦夢康叔

謂已余將命而子苟與孔丞鉏之曾孫圉相

元史朝見成子告之夢。夢協。協合。晉韓宣子

為政聘于諸侯之歲。在二。嬀始生子名之曰

元孟繫之足不良弱行也。跛。孔成子以周易筮

之曰元尚享衛國主其社稷。今著。遇屯三二

震下坎。又曰余尚立繫尚克嘉之。嘉也。屯

三三之比三三。坤下坎上。此屯初。九爻變。比音鼻。以示史朝

史朝曰元亨又何疑焉。周易曰。成子曰非長

之謂乎。言屯之元亨謂年長非謂。對曰康叔

名之可謂長矣。善之。長也。孟非人也。將不列於宗

不可謂長。足跛非全人。不。且其繇曰利建侯

繇卦辭。又反。嗣吉何建。建非嗣也。故無所卜。又

無所建。今以位不定。卜。嗣。二卦皆云。謂再得

得吉則當從吉而建之也。二卦皆云。謂再得

有建侯。子其建之。康叔命之。二卦告之。筮襲

得機解

三傳 卷三十四 昭公 五

左傳 卷三十一 四十四 漢世閣

於夢武王所用也弗從何為

外傳云大誓曰朕夢協朕卜襲

於休祥戎商必克此武王辭

弱足者居

跛則偏弱居其家不能行

侯主

社稷臨祭祀奉民人事鬼神從會朝又焉得


居各以所利不亦可乎

孟跛利居元吉利建

故孔成子

立靈公十二月癸亥葬衛襄公


靈公元也



春秋左傳卷三十一

文化甲戌





日本書紀  
 卷之八  
 天武天皇  
 元年  
 乙未